

REFERAT US - Utoqqaat siunnersuisoqatigiiffiat d. 16-01-2024

Mødedato Tirsdag d. 16. januar 2024 kl. 18:00

Mødested Kommunalbestyrelsen i Aarslev Kommune

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisoqatigiit aamma Suliffeqarnermut Isumaginninnermullu Ataatsimiititap ataatsimeeqatigiinneranniit imaqarniliaq

*Marlunngorneq ulloq 16. januaari 2024, nal 10:00
Sumi: Kommuniq allaffiani byrådsal-imi*

Ataatsimiinnermi peqataasut:

Utoqqaat pillugit siunnersuisoqatigiinniit

Marianne Jensen (Siulittaasoq)
Birte Nielsen (Siulittaasup tullia)
Daniel Blytmann (Ilaasortaq)
Jakob Thorsen (Ilaasortaq)
Kirsten Holm (Ilaasortaq)
Kaj Kleist (Sinniisoq)

Suliffeqarnermut Isumaginninnermullu ataatsimiititamiit

Inge Olsvig (Siulittaasoq)
Lone Rosengreen Pedersen (Siulittaasup tullia)
Dorthe-Marie Mogensen (Ilaasortaq)

Peqataasinnaangitsut:

Poul Petersen (Ilaasortaq)
Mala Høy-Kúko (Ilaasortaq)

Suliffeqarnermut Isumaginninnermullu Ingerlatsivimmiit

Ejner Grønvold (Pisortaq)
Karen Lund Mølgaard (Utoqqarnut sullissivimmi fagcheffi)
Naja Anelouise Heilmann (Allatsi)

Imaqarniliaq

1. Tikilluaqqusineq

Kommuneqarfik Sermersuumi Utoqqaat pillugit Siunnersuisoqatigiit taavalu Suliffeqarnermut Isumaginninnermullu Ataatsimiititaq ukiumoortumik naapeqatigiinneranni Suliffeqarnermut Isumaginninnermullu Ataatsimiititami siulittaasoq tamanut tikilluaqqusivoq.

Suliffeqarnermut Isumaginninnermullu Ataatsimiititami siulittaasup oqaatigaa qujamasulluni Kommuneqarfik Sermersuumi Utoqqaat pillugit Siunnersuisoqatigeeqarmat, pissutigalugu utoqqaat immikkut ilisimasanik paasissutissanillu pingaaruteqartunik ingerlateqqissinnaasaminnik peqarmata.

Suliffeqarnermut Isumaginninnermullu Ataatsimiititami siulittaasup eqqaavaa oqaluuserisassat Utoqqaat pillugit Siunnersuisoqatigiinnerangaanniit kissaatigineqartut ataatsimiinnermi ammasumik ingerlanneqassasut, oqaaseqartussat tamarmik periarfissinneqarniassammata.

Suliffeqarnermut Isumaginninnermullu siulittaasup oqaatigaa ataatsimiinnermi uani pingaarnertut isigalugu Utoqqaat pillugit Siunnersuisoqatigiinniit oqaasissat saqqummiunneqartussallu. Suliffeqarnermut Isumaginninnermullu ataatsimiititamiit ataatsimiinnermi akissutissaqaraangata oqaaseqartarumaarput.

2. Ilisaritseqatigiinneq

Naapeqatigiinnermi peqataasut tamarmik ataasiakkaarlutik imminnut naatsumik ilisaritipput.

3. Utoqqaat pillugit Siunnersuisoqatigiit siulittaasuut

Utoqqaat pillugit Siunnersuisoqatigiit siulittaasuata aallarniutigalugu oqaatigaa siunnersuisoqatigiit sinnerlugit qujalluni naapeqatigiinneq piviusunngoqqimmat.

Utoqqaat pillugit Siunnersuisoqatigiit siulittaasuata oqaatigaa kingullermik naapeqatigiinneq pisoq ulloq 6. decembari 2022-mi.

Naapeqatigiinnermilu Utoqqaat pillugit Siunnersuisoqatigiit pingaarnertut anguniakkaminnik siunnersuutitik ataatsimiititamut saqqummiillutik. Tassanilu siunnersuutit imatut qulequtaqarlutik:

- 1) Eqaannerusumik ataqatigiissaagaanusumillu utoqqarnuinaq saaffiginnittarfeqarnissaq.
- 2) Kommuneqarfik Sermersuumi utoqqaat atugarisaat pillugit misissuititsinissaq.
- 3) Utoqqarnut naleqqussakkanik najugaqatigiiffinnik (seniorbofællesskaber) pilersitsinissaq.

Utoqqaat pillugit Siunnersuisoqatigiit taamani siunnersuutitik ataatsimiititamiit tigulluarneqarneri piviusunngortinneqarnissaannullu sulissutigineqarneri nuannaarutigaa. Utoqqaat pillugit Siunnersuisoqatigiit qilanaarivaat tigussaasumik inerniliussanik takusaqarnissaminnut.

3) Utoqqarnut naleqqussakkanik najugaqatigiiffinnik (seniorbofællesskaber) pilersitsinissaq

Aningaasaliissuteqartoqarnissaq

Utoqqaat pillugit Siunnersuisoqatigiit siulittaasuata oqaatigaa utoqqarnut naleqqussakkanik najugaqatigiiffinnik (seniorbofællesskaber) pilersitsinissaq pillugu Kommuneqarfik Sermersuumi Kommunalbestyrelsiminngaanniit aningaasaliissuteqartoqarnissaannut neriuuteqarlutik.

Aningaasalersueriaatsinik isumaqatigiinnissaq

Utoqqaat pillugit Siunnersuisoqatigiit siulittaasuata oqaatigaa Utoqqaat pillugit Siunnersuisoqatigiit kommunimi atorfilittaniit ilisimatinneqarnikuullutik Namminersorlutik Oqartussallu aningaasalersueriaatsinik isumaqatigiinniarnissaq kommuniminngaanniit utaqqimaarneqartoq.

Ataatsimeeqateqarneq

Utoqqaat pillugit Siunnersuisoqatigiit siulittaasuata oqaatigaa Utoqqaat pillugit Siunnersuisoqatigiit aalajangernikuusut isumaqatigiinniarnissaq sioqqullugu siunnersuisoqatigiinninngaanniit borgmesteri naalakkersuisullu akisussaasut oqaloqatigiumaneqassasut, imaangitsoq isumaqatigiinniarnermi akulerunnarlutik, kisiannili erseqqissaassuteqarnissartik pisariaqartikkamikku. Soorlu Utoqqaat pillugit periusissiami, Kommuniq utoqqarnut politikkianni oqaatsit atorneqartut pillugit, ineqarnernut tunngasuni, oqaatsit assigiit assigiinngitsumik paasineqarlutik atorneqarmata.

Ineqarnermut naalakkersuisoq

Utoqqaat pillugit Siunnersuisoqatigiit siulittaasuata paasititsissutigivaa Utoqqaat pillugit Siunnersuisoqatigiit sinnerlugit Ineqarnermut naalakkersuisoq siulittaasup tullia peqatigalugu oqaloqatigisimallugu, oqaloqatiginermilu nalornissutaasinnaasut tamarmik qaqinneqarput paaseqatigiilluarnermillu kinguneqarlutik.

Aningaasanik immikkoortitsinissamut piareersimasut

Utoqqaat pillugit Siunnersuisoqatigiinni siulittaasup oqaatigaa oqaloqateqarnerminni paasitinneqarlutik naalakkersuisuinngaanniit utoqqarnut naleqqussakkanik najugaqatigiiffinnik sanaartorsinnaanissamut aningaasanik immikkoortitsinissaminnut piareersimasoqartoq, kisiannili kommunittaaq aningaasanik immikkoortitsinissaat amigaataaginnartut.

Isumaginninnermut naalakkersuisoq

Utoqqaat pillugit Siunnersuisoqatigiit siulittaasuata oqaatigaa Isumaginninnermut naalakkersuisoq aammattaaq nalunaarnikuusoq qanittumi Utoqqaat pillugit Siunnersuisoqatigiit oqaloqatiginiarlutik.

Borgmesterimik oqaloqateqarnissaq

Utoqqaat pillugit Siunnersuisoqatigiit siulittaasuata oqaatigaa Utoqqaat pillugit Siunnersuisoqatigiinnit Kommuneqarfik Sermersuumi borgmesteri siulliullugu oqaloqatigerusussimagaluarlugu, taanna Namminersorlutik Oqartussanut isumaqatigiinniarnissamut kommuuni sinnerlugu isumaqatigiinniarnerni akisusaasussaammat.

Utoqqaat pillugit Siunnersuisoqatigiit suli neriuteqarput piffissami ungasippallaanngitsumi borgmesterimik oqaloqateqarnissaq piviusunngorumaartoq.

4. Siunnersuisoqatigiit pingaarnertut anguniagaat pillugit saqqummiineq oqallinnertalik, takuuk ilanngussaq.

Utoqqaat pillugit Siunnersuisoqatigiit pingaarnertut anguniakkaminnik siunnersuutininik marlunnik qulequtaqartunik ataatsimiititamut saqqummiipput, ilaatigullu ilaasortat assersuutininik nassuiaateqarlutik. Utoqqaat pillugit Siunnersuisoqatigiit pingaarnertut anguniagaat ilanngussami tamakkiisumik atuarneqarsinnaapput.

Utoqqaat pillugit Siunnersuisoqatigiit anguniagaat ataatsimiititaliamut siunnersuutigerusutaat imatut qulequtaqartut saqqummiunneqarput:

- 1) Utoqqarnut inissiat amerlanerusut pitsaannerusullu
- 2) Utoqqarnik sullissinermi "assaat amerlanerit"

1) Utoqqarnut inissiat amerlanerusut pitsaannerusullu

Siunnersuutitut siullertut saqqummiunneqartoq: Utoqqarnut inissiat amerlanerusut pitsaannerusullu, qulequtakkaartuni imatut imaqarpoq:

- a) Kommuneqarfik Sermersuumi kommunalbestyrelsimit kommunimi utoqqarnut najugarititani, nuna tamakkerlugu isigissagaanni ajornerpaamik inissisimaneq iliuuseqarfigineqartariaqarpoq, ingerlaannartumik ineqartitseriaatsit pioreersut amerlisarnerisigut pitsanngorsaaviginerisigullu, qaavatigullu nutaaliorluni utoqqarnut najugaqatigiiffinnik pilersitsinikkut,
- b) Utoqqaat innarluutillillu ataatsimut inissittarnerisa atorunnaarsinneratigut kiisalu
- c) Utoqqaat namminneq pigisaminnik illullit illuminniiginnarsinnaanerannut annertunerusumik tapersiisarnikkut.

a) Kommuneqarfik Sermersuumi kommunalbestyrelsimit kommunini utoqqarnut najugarititani, nuna tamakkerlugu isigissagaanni ajornerpaamik inissisimaneq
Utoqqaat pillugit Siunnersuisoqatigiit siulittaasuata oqaatigaa Kommuneqarfik Sermersuumi utoqqarnut inissiat ikippallaarujussuartut tulluanngippallaarujussuurtullu aamma kommuninut allanut naleqqiussagaanni.

Naalakkersuisoqarfinnit Kommuneqarfinningaanniillu nalunaarusiortoqarnikuuvoq arlalinnik utoqqaat atugarisaat pillugit. "Nalunaarusiat imaqarput paarsisussarsiornermut, inissiaqarnermut, inuuniarnikkut atugassarititaasut il.il. (takuuk ilanngussaq)." Nalunaarusianilu atuarneqarsinnaallutik paasissutissat piviusut, paaqqutarinninnernut, ineqartitsinernut, qanorlu inissisimaneerannut tunngasut il.il.

Tassanilu takussutissaqarluni ersarinnerusinnaangitsumik Kommuneqarfik Sermersuumi nuna tamakkerlugu ajornerpaamik inissisimasoqartoq.

Utoqqaat pillugit Siunnersuisoqatigiinni ilaasortap Kirsten Holm naggataatigullu eqqaallugu utoqqaat illuat Nuummi nutarterneqarnissaa aamma pisariaqartoq.

b) Utoqqaat innarluutillillu ataatsimut inissittarnerisa atorunnaarsinneratigut
Utoqqaat pillugit Siunnersuisoqatigiit siulittaasuata oqaatigaa Utoqqaat illuini utoqqaat innarluutillillu ataatsimut inissinneqartarnerat tulluanngitsuunerat pillugu piffissaq kingulleq tusagassiutitigut aamma eqqartorneqartartoq.

Utoqqaat pillugit Siunnersuisoqatigiit siulittaasuata oqaatigaa Utoqqaat pillugit Siunnersuisoqatigiit kaammattuutigaa utoqqaat illuini innarluutillit inuusunnerusut inissittarnerisa atorunnaarsinneqarnissaat. Utoqqaat toqqissisimanarnerusumik atugaqarnissaat inissallu amigareeqisut siunertarpiamut atorneqarnissaat pisariaqarmat.

c) Utoqqaat namminneq pigisaminnik illullit illuminniiginnarsinnaanerannut annertunerusumik tapersiisarnikkut

Utoqqaat pillugit Siunnersuisoqatigiit siulittaasup tulliata oqaatigaa qulequtaq pineqartoq: Utoqqaat namminneq pigisaminnik illullit, Jakob Thorsen peqatigalugu allaaserisarlugu.

Siunertaq

Utoqqaat pillugit Siunnersuisoqatigiit siulittaasup tulliata oqaatigaa una suliniut suliarineqartoq pingaartillugu utoqqaat sapinngisamik sivisunerpaamik nammineq angerlarsimaffimmiittarnissaat siunertarlugu – tamanna utoqqarnit amerlasuunit kissaatigineqarmat aammalu aningaasaqarniarneq pillugu ilisimasalinnit nalilerneqarmat tamanna kommunit aningaasaqarniarnerannut silatusaarnerpaassasoq

Periarfissat

Utoqqaat pillugit Siunnersuisoqatigiit kissaatigivaat utoqqaat namminerisaminnik illuutillit aserfallatsaaliinermut iluarsaassinermullu aningaasartuutitut tapiiffigineqarnissamut periarfissat



atorneqarsinnaansut pillugit kommunimit paasisitsisoqarnissaa, minnerunngitsumillu utoqqartatsinnut.

Utoqqaat pillugit Siunnersuisoqatigiit siulittaasup tulliaata assersuutigaa, soorlu utoqqaat namminneq pigisaminnik illuutillit kiassaataat sequmissimappat immaqaluunniit annertunerusumik sequmittoqarsimappat illortillu qimattariaqarlugu utoqqaat illuinut nuutsinneqarlutik. Periarfissinneqarsimagaluarunik kiassaataat iluarsanneqarnissaannut iluarsartuussinissamulluunniit najugaqarfimminniiginnarsinnaagaluarlutik sulivisunerusumik.

Utoqqaat pillugit Siunnersuisoqatigiit paaserusuppaat utoqqaat namminerisaminnik illuutillit iluarsaassinissamut periarfissaqanngitsut kommuniminngaanniit qanoq ingerlanneqartarnersut. Tassanilu paaserusunneqarlutik suut periarfissaansut, eqqarsaatigalugu aningaasatigut taparserneqartarnermi immaqaluunniit taarsigassiisoqarnermi.

2. Utoqqarnut sullissinermi "assaata amerlanerit"

Utoqqaat pillugit Siunnersuisoqatigiinni ilaasortap Kirsten Holmip oqaatigaa uani pineqartoq Utoqqaat illuanni sulisussaaleqisarneq. Utoqqaat illuanni sulisussaaleqisarneq annikinnerpaaffianiitikkusullugu nutaamik eqqarsartariaaseqarluni isummersoqatigiinnissaq Kirsten Holm kissaatigaa.

Utoqqaat pillugit Siunnersuisoqatigiit erseqqissaavoq pisariaqarpassilertoq aamma politikikkut eqqarsaqataannissaq nutaamik eqqarsartariaaseqarluni qanoq ililluni utoqqaat illuini atorfinitsitsiniarnikkut pitsaanerusumik sinaakkusersuisoqarsinnaansoq.

5. **Inerniliussat**

Suliffeqarnermut Isumaginninnermullu Ataatsimiititami siulittaasup Utoqqaat pillugit Siunnersuisoqatigiit pingaarnertut anguniagaattut siunnersuutai akissuteqaateqarfigivai.

Utoqqaat pillugit Siunnersuisoqatigiit pingaarnertut anguniagai pillugit akissuteqaatit:

1. Utoqqarnut inissiat amerlanerusut pitsaanerusullu

Suliffeqarnermut Isumaginninnermullu Ataatsimiititami siulittaasup oqaatigaa oqaluuserisassani sammineqartoq inissaqarniarnermut tunngatillugu Kommuneqarfik Sermersooq ilungersunartumik inissisimanera malunnartoq.

Suliffeqarnermut Isumaginninnermullu Ataatsimiititami siulittaasup oqaatigaa Utoqqaat pillugit Siunnersuisoqatigiit isumaqatigalugit tulluannngitsusooq innarluutillit utoqqaat inissiaataanni utoqqarnut tulluannngitsuni inissinneqartarnerat.

Suliffeqarnermut Isumaginninnermullu Ataatsimiititami siulittaasup oqaatigaa Kommuneqarfik Sermersuumi ataatsimiititaliap politikikkut sulinerminni isumaqatiginninniarnert assigiinngitsut ingerlatillugit, pingaartumik aningaasaqarnermut tunngasuni taavalu nutaanik sanaartornissanut tunngasuni piumasaaqatigineqartuaannartut utoqqarnut inissiat pitsaanerussasut taavalu utoqqaat qullasinnerusumi inissinneqartarnissanut soorlu elevator-ilinni.

Missingersuutinut isumaqatigiissut 2024

Suliffeqarnermut Isumaginninnermullu ataatsimiititami suliuuttaasup oqaatigaa missingersuutinut isumaqatigiissut 2024-imi utoqqarnut suliniutissat ersarissumik allattorsimasut.

Inissiat utoqqarnut naleqqussakkat pillugit politikikkut nutaamik eqqarsartariaaseqarlutik sammineqassapput tassanilu suut pitsanngorsarneqassansut, qanorlu iliuuseqartoqassansoq eqqartorneqarumaarlutik.

Suliffeqarnermut Isumaginninnermullu ataatsimiititami siulittaasup oqaatigaa aamma kissaataasooq puigortunngortunut angerlarsimaffimmik piviusunngortinneqarnissaa.

Utaqqisut amerlaasoorujussuit

Suliffeqarnermut Isumaginninnermullu Ataatsimiititami siulittaasup oqaatigaa misissuinerit takutikkaat utoqqaat amerlanerpaat kisimiilernikut inini arlalinnik sinittarfilinni najugaqartut. Inissiali ataasiinnarmik marlunnilluunniit sinittarfillit amigaatigineqarlutik tassanilu utaqqisut amerlasoorujussuullutik.

Utoqqaat namminneg pigisaminnik illullit illuminiiginnarsinnaanerannut annertunerusumik tapersiisarnikkut

Suliffeqarnermut Isumaginninnermullu Ingerlatsiviup pisortaata oqaatigaa illuliortiternernut aningaasalersuineq pillugu Inatsisartut inatsisaanni kapitali 4-rami allaqqasooqartooq Illunik pioreersunik soraarnermusialinnut pigineqartunut iluarsaassinernut tunngasunik.

Suliffeqarnermut Isumaginninnermullu Ingerlatsivimmiit pisortap siunnersuutigaa ingerlatsiviup kommunimi eqqortumut susassaartumut Utoqqaat pillugit Siunnersuisoqatigiit saaffiginnissutigisaat ingerlateqqinneqassasooq saqqummiivigineqarnissaat siunertaralugu, tassani suut periarfissaanersut paasineqarniassammata.

2. Utoqqarnut sullissinermi "assaata amerlanerit"

Suliffeqarnermut Isumaginninnermullu Ataatsimiititami siulittaasup oqaatigaa sulisoqarniarnissaaq ilaannikkooriarluni aporfiusartoq soorlu "assaata kissalaartut" amigaatigineqarlutik, ilaatigooriarlutillu ilinniarsimangitsorpasuarfik sulisoqartarluni.

Isumaqaatigiissuteqarneq

Suliffeqarnermut Isumaginninnermullu Ataatsimiititami siulittaasup oqaatigaa utoqqarnik sullissineq nukittorsarniarlugu aamma Kommuneqarfik Sermersooq immikkut ittumik isumaqaatigiissuteqartartoq napparsimavik peqatigalugu, tassanilu eqqartueqatigiinnermi eqqartorneqartarlutik utoqqarnut sullissinermi suut pitsanngorsagassaanersut. Assersuusiorluni oqaatigaa "assaata kissalaartut" amigaatigineqartillugit isumaqaatigiissuteqartoqarsinnaasooq. Soorlu Paamiuni utoqqaat illuat aammalu napparsimaveqarfik isumaqaatigiissuteqarnikuusooq suleqatigiinnissamut.

Sulisunik pikkorissaanerit

Sulisoqarnermut Isumaginninnermullu Ataatsimiititami siulittaasup oqaatigaa sulisunik pikkorissaanerit ataavartumik ingerlanneqartartut, tamatigullu immikkut aningaasaliissutigineqartarlutik, imatut paasillugu aningaasaliissutigineqartartut qaavatigut ilaqqinneqartarlutik. Tassanilu ukioq 2023-imi aningaasat sulisunik pikkorissaanernut ineriartortitsinissamullu 1.2 million-it immikkoortinneqarlutik.

Utoqqaat illuini nerisaqarneq

Kommuneqarfik Sermersooq utoqqarnut sullissinermi, utoqqaat illuini kalaaliminernik nerisitsisarnissaaq angorusullugu, ukioq 2023-imi immikkut aningaasanik 550.000 koruuninik illukartitsisoqarpoq. Taamaaliortoqarneranut aallaaviupput Utoqqaat pillugit Siunnersuisoqatigiit, innuttaasut, atuisut najugaqartullu kissaataat malillugit.

Saniatigullu aamma Utoqqaat illuani nerisassat peqqinnarnerusut sassaalliuutigineqartarnissaat anguniarlugu inuussutissalerinnermut ikiortimik (Ernæringsassistent) atorfinitsitsinissaaq aalajangiunneqarpoq, tassanilu aningaasat 250.000 koruunit illukartinneqarlutik.

Puigortunngoriartortut

Suliffeqarnermut Isumaginninnermullu Ataatsimiititami siulittaasup oqaatigaa Kommuneqarfik Sermersuumi utoqqaat puigortunngoriartortut amerlatsikkiartortut assigiinngitsunik peqquteqartunik.

Taamaattumik Kommuneqarfik Sermersooq aningaasaliivoq 2 mio. koruuninik illukartitsinikuuvoq puigortunngortut illersorniarlugit, tassanilu isumaginninnermi teknologii (velfærdsteknologi) atornerarluni. Massakkumullu misilittakkaat aallaavigalugit takuneqarsinnaanngoreerluni ilai iluaqutaalereersimasut.

3. Utoqqarnut naleqqussakkanik najugaqatigiiffinnik (seniorbofællesskaber) pilersitsinissaq.

Taaguutit assigiinngitsut

Suliffeqarnermut Isumaginninnermullu Ingerlatsiviup pisortaata oqaatigaa Utoqqaat pillugit Siunnersuisoqatigiit eqqartugaat qallunaatut taaguut seniorbofælleskab assigiinngitsunik allaqqasarneri pillugit kommunimiit eqqumaffigineqartoq, pisariaqartorlu taaguutit taaneqarneri assigiissarneqarnissaannik.

Immikkut inatsiseqalernissaq

Suliffeqarnermut Isumaginninnermullu Ingerlatsiviup pisortaata oqaatigaa naalackersuisut utoqqaat periusissiaani aamma utoqqarnut naleqqussakkanik najugaqatigiiffeqalernissamat immikkut inatsiseqalernissaat anguniarneqartoq.

Suliffeqarnermut Isumaginninnermullu Ingerlatsiviup pisortaata innersuussutigivaa massakkuugallartoq inatsisissaq suli piareerneqannginnera tunngavigalugu, suliaq aallartinneqarnissaa utaqqimaarneqaaqqaassaq.

Suliffeqarnermut Isumaginninnermullu Ingerlatsiviup pisortaata oqaatigaa anguniarneqartuaannartoq suliniutinut tamakkununga peqataatinneqarnissartik, qilanaaralugulu tassunga tunngatillugu suleqataanissaminut.

4. Immikkut ittumik sammisaqarnissaq

Suliffeqarnermut Isumaginninnermullu Ataatsimiititaliami siulittaasup oqaatigaa Utoqqaat pillugit Siunnersuisoqatigiit siunnersuutitut kissaatigisaat paasilluarsinnaallugit taavalu politikkikkut anguniakkaminut attuumassuteqartorujussuusut.

Suliffeqarnermut Isumaginninnermullu Ataatsimiititami siulittaasup suliniutigerusuppaa ukioq manna Suliffeqarnermut Isumaginninnermullu Ataatsimiititaliaq aammalu Utoqqaat pillugit Siunnersuisoqatigiit peqatigalugit immikkut ittumik naapeqatigiinnissaq, ingerlatsivimmiillu immaqqa saqqummiivigineqarlutik.

Ataatsimiittaliap siulittaasuata ingerlatsivik qinnuigaa utoqqaat atugarisaat pillugit piffissaqarnerulluni ataatsimiittaliap Utoqqarnut Siunnersuisoqatigiit peqatigalugit immikkut ittumik sammisaqarnissamik (temadag) ingerlatsisoqarnissaa pillugu piffisamik ujartuequllugu.

6. **Tamalaat**

Suliffeqarnermut Isumaginninnermullu Ingerlatsivimmiit pisortap naggaserlugu oqaatigaa maluginiarsimallugu nuannaarutigalugulu Utoqqaat pillugit Siunnersuisoqatigiit uummaarissamik ingerlaneri.

7. **Ilannussat**

1. Kommuneqarfik Sermersuumi Utoqqaat Siunnersuisoqatigiiffiannit siunnersuutit/kaammattuutit SIA-mut januaarip 16-ani 2024-mi ataatsimiinnermut.



**Ilanngussaq 1 - Kommuneqarfik Sermersuumi Utoqqaat pillugit
Siunnersuisoqatigiit aamma SIAp
16. januar 2024 ataatsimeeqatigiinnissaannut siunnersoqatigiit
tungaannit kaammattuutit/siunnersuutit**

Kaammattuut/siunnersuut 1: Utoqqarnut inissiat amerlanerusut pitsaanerusullu
(Ilanngussaq 1 takuuk)

- a) **Kommuneqarfik Sermersuumi kommunabestyrelsimit kommuunimi utoqqarnut najugarititani nuna tamakkerlugu isigissagaanni ajornerpaamik inissisimaneq iliuseqarfigineqartariaqarpoq, ingerlaannartumik ineqartitseriaatsit pioreersut amerlisarnerisigut pitsanngorsaaviginerisigullu qaavatigullu nutaaliorluni utoqqarnut najugaqatigiiffinnik pilersitsinikkut,**
- b) **utoqqaat innarluutillilu ataatsimut inissittarnerisa atorunnaarsinneratigut kiisalu**
- c) **utoqqaat namminneq pigisaminnik illullit illuminniiginnarsinnaanerannut annertunerusumik tapersiisarnikkut**

Kaammattuut/innersuussut 2: Utoqqarnik sullissinermi ‘assaat amerlanerit’

(Ilanngussaq 2 takuuk)



Ilanngussaq 1: Utoqqarnut inissiat amerlanerusut pitsaanerusullu pillugit

Ad. 1a:

“Ataatsimoorussamik politikikkut anguniagassatut kissaatigineqarpoq, nuna tamakkerlugu kommuunikkaartumillu utoqqaat sapinngisamik sivisunerpaamik namminneq angerlarsimaffimmini najugaqarsinnaanerap tapersersorneqassasoq. Tamatumunnga tunngaviupput kissaatigineqarmat utoqqaat avatangiisini toqqissisimaffigisaminni najugaqaannarnissamut periarfissaqarnissaat. Kisianni aamma kommuunit aningaasaqarnerannut tulluarnepaammat, utoqqaat namminneq angerlarsimaffimmini sapinngisamik sivisunerpaamik najugaqarnissaat aqutissiuunnarlugu naammattumik tapersersuisoqarpat. Nalunnaarusiami *Kalaallit Nunaanni utoqqaat inuunerat peqqissusaallu, 2019* allaqqavoq, utoqqaat amerlanersaasa kissaatigigaat pingaartitalugulu namminneq angerlarsimaffimmini najugaqarnissamut periarfissaqarnissartik”.

Utoqqarnut inissiat pillugit nalunaarussiaq, Isumaginninnermut Suliffeqarnermullu Naalackersuisoqarfik, 2021-meersumi paasisutissiisutigineqarpoq,

- Kommuneqarfik Sermersuumi utoqqarnut najugaqarfii ataatsimut isigalugit piukkunnaataat annikinnerpaaffimminiitooq (qallunaatuani qupp. 22).
Kommuneqarfik Sermersuumi utoqqarnut najugaqarfiiit agguaqatigiisillugu 6,6-mik nalilerneqarlutik Kalaallit Nunaanni utoqqarnut najugarfinni piukkunnanginnerpaatut inissinneqarput, najugaqarfiillu innarluutilinnut piukkunassutsimikkut nalilerneqarnerat sulii appasinneruvoq, naliliissut pitsaanerpaaq 10-miisilugu 5,6-mik karakterilerneqaramik. Inissiat ajornerpaat 37-t Nuummi inissisimapput (qallunaatuani qupp. 39).
- Kommuneqarfik Sermersuumi utoqqarnut paaqqutarinniffinni inissaqartitsineq 9%-iuvoq, tamannalu nuna tamakkerlugu appasinnerpaavoq, nunami tamarmi agguaqatigiisillugu 11,4%-iusumi 2%-mik appasinnerulluni (qallunaatuani qupp. 37).
- Utoqqarnut najugaqarfisigut kinguaattooqqaneq aammalu ukiuni tulliuttuni qulini aserfallatsaaliinissamut atugassatut ilimagisariaqartut Kommuneqarfik Sermersuumi ataatsimut aningaasaliiffigisassariartunut allanut naleqqiullugit initupput. Taamaallaat Kommune Kujallermi aningaasaliinissamut pisariaqartitsineq annertuneruvoq (qallunaatuani qupp. 40).

Nalunaarusiami *Kalaallit Nunaanni kommununit utoqqarnik paaqqutarinninnerat, 2022 Statens Institut for Folkesundhed* allassimavoq, ”utoqqarnut inissiani najugaqarnissamut periarfissamik annertusaaneq utoqqaat ilaasa utoqqaat illuannut inissinneqartariaqaraluarnerrannut annikillisaataassaaq aammalu nammineersinnaalluurtunut utoqqaallu illuanni najugaqarnissamut peqqippallaartutut misigisimasunut kisiannili inigisimasamiiginnarnissamut kissaateqanngitsunut nalitunerusumik inuuneqarnissamut annertusaataasinnaalluni. Taamaammatt sulii utoqqarnut najugarfeqartitseriaatsinik assigiinngitsunik pisariaqartitsinerup ukkatarinissaa utoqqarnut aammalu kommuunini utoqqaat paaqqutarinerat pillugu piffissaq ungasinnerusoq isigalugu pilersaarusiornissamut pingaaruteqarpoq” (qallunaatuani qupp. 35).

Ukiorpaalunni ilisimaneqarpoq, utoqqarnut inissiani utoqqaallu illuanni inissanik amigaateqarneq annertooujussusoq, ullutsinnilu pissutsit issuaanernit nalunaarusianinnaanneersunit qulaani allassimasunit erseqqarinnerusinnaanngillat. Ukiuni kingullerni qulini utoqqaat kommuunimi najugallit amerleriarujussuarnerisa kinguneraat pissutsit sulii ajornerulernerat.

Suliarinnittoq Marianne Jensen



Ad. 1 c: Utoqqaat namminerisaminnik illuutilit aserfallatsaaliinermut iluarsaassinermullu aningaasartuutaat pillugit.

Uani pineqarpoq utoqqarnut namminneq illuutilinnut illup aserfallatsaalineranut iluarsaanneqarneranullu qaqugukkut kommunemit taarsigassarsisitsisoqarsinnaaneranut aammalu tapiissuteqartoqartoqarsinnaaneranut tunngasunik erseqqissumik paasisitsisoqarnissaa kissaatigigatsigu.

Nunatsinni sumiluunniit siuernerineqarpoq utoqqaat sapinngisamik sivisunerpaamik namminneq angerlarsimaffimmini najugaqarnissaat.

Taanna utoqqarnut namminerisaminnik illuutilinnut aamma atuuppoq. Utoqqarpassuupput sinerissami namminneq pigisaminnik illuutiminni, amerlanertigut maannakkut nutaanngilisimasuni, sulii najugaqartut, aammalu sulii najugaqarnissaminnik kissaateqartut.

Siumut naatsorsuutigeriinngisamik annertuunik aserortoqartillugu

Illuni taakkunani, pingaartumik illup atortuinik siumut naatsorsuutiginnisamik aserortoqartillugu, iluarsaassineq akisooq pisariaqartarpoq, utoqqalinersiutit immaqalu SISA allaluunniit aqutugalugit pensioninik katersilaarsimagaluaanniluunniit aningaasartuutit tigoriaannaat iluarsaassinermut matussutissat amigartarlutik.

Assersuutugalugu anorersuarnerani illup qalissiaa aserortitersimappat, innaallagissamut atortut aserorsimappata, kiassaassuaq aserorsimappat, pujoorfik taarsertarialissappat, erngup kuuffiillu aqutaannik aserortoqarsimappat qerisoortoqarluniluunniit, allatigullu siumoortumik naatsorsuutiginnisamik pisoqarsimatillugu, piaartumik iluarsaassisoqarnissaa pisariaqaraangat.

Sillimmasiisarfiit illunut pisoqaanerusut ajoqusernerinut matussusiisarnerat annikittarpoq, taamaattumik ajutoorneq Pisortanit ikiorserneqanngikkaanni illumik piginnittumut akisoorujussuusinnaasarpoq.

Illumik aserfallatsaaliinerit annertunerusut

Taakku saniatigut sillimmasiisarfimmut tunngassuteqanngitsumik illup najugarisap aserfallatsaalineri pisariaqalersinnaasarpoq.

Soorlu assersuutugalugit kiassaassuaq (oliefy) taarsertariaqalerpat, imermut kissaartuusivik aserorsimappat, illup silataa qalipatsittariaqassappat, igalaat taarsertariaqassappata, allatigullu illup piujuaannarnissaanut aningaasartuutit annertusinnaasut pisariaqartinneqartarput.

Kommunemiit tapiissutit taarsigassanngorlugilluunniit aningaasaliissutit

Paasivarput kommune qinnuteqarnikkut taarsigassamik aningaasaliisinnaasartoq, imaluunniit tapiissutinik tunniussaqaarsinnaasartoq, kisianni ukiumut aningaasaliissutit taakku nungukkaangata imaluunniit aningaasaliisoqarsimanngippat, tapiinissaminut imaluunniit taarsigassarsisitsinissaminut periarfissaaruttartoq, taamaalilluni tassanngaannartumik pisoqartillugu illumik piginnittumut aningaasartuutit tamarmik ilarujussuiluunniit akiligassanngortarlutik.

Sanasunut akiligassat piaartumik akiligassat

Taassuma saniatigut iluarsaassinermik suliaqartut sanasut il.il. suliarfik naammassigaangat akiligassiissutit akilerneqarnissaa ullut 14-it qaangiutinnginneranni piumasarisarpaat, taamaattumik illumik utoqqarnut piginnittunut amerlanertigut akiliinarneq ilungersunarsisarluni.



Illumik piginnittup kommunemut saaffiginnikkaluarluni tapiissutit nungussimaneri imaluunniit aningaasaliisoqarsimanginnera pequtigalugit aningaasartuutit nammineq akilersortariaqalersimappagit, kingusinnerusukkut saaffiginninnermi tapiissoqarsinnaanera itigartitsissutigineqartarpoq, tassagoq akiligassaq akilersorneqarmat imaluunniit akilerneqareermat, assullu taanna illumut piginnittup aningaasaqarneranut ilungersunartorsiortitsisarluni.

Sanaartornermut aningaasaliissutit aqutigalugit taarsigassarsiniartoqarsinnaava?

Paaserusunnartoq alla tassa utoqqaat namminneq illuutillit kommunep sanaartornermut aningaasaliissutaanik taarsigassarsiniarsinnaanersut, soorlu illup aserfallatsaalineranut annertunerusunut imaluunniit nutarsaanernut, soorlu illup oqorsarneranut, assigisaanullu. Tassani aamma isertitat qanoq amerlatigineri, suliassallu qanoq annertutiginera akissaalu aporfiusarunarmata. Taakku sunik periarfissiinersut paaserusunnarpoq.

Neriulluta paasissutissanik erseqqissunik saqqummiussisoqarumaartoq.

Suliarinnittut Jakob Thorsen, Paamiut aamma Birte Nielsen, Nuuk



Ilanngussaq 2: Sulisussaaleqineq pillugu

ISSUAANEQ :

“Utoqqaat illuat Nuuk-mi Tungiu Ilorleq aammalu silarleq immikkoortortaarfiani ataqatigiissaarisumik 1 december 2023 isumaqatigiissuteqarnikkulluunniit atorfinittussamik pissarsiorpoq”

Sermersooq Kommune Nuuk-mi utoqqaat illuini sulisussanik atorfinittitsisarput.

Nunatta napparsimavia DIH Sana mi sulisut Namminersornerit peqqinnisaqarfiata atorfinittitarivai. Sygeplejerskit Nakorsat, pillorissaasut (fysioterapeuter) portør it napparsimavinni ikiortit (sundhedsplejersker) napparsimaviit allaffiini sulisut, napparsimasut angalaneri [il.il](#).

Ullumikkut Nuuk-mi utoqqaat illuani sygeplejeskemik atorfinittitaqanngilaq.

Sermersooq Nuuk Kommuneani jobopslag malillugu januarip aappaani 2024 mi killeqartumi aatsaat sygeplejeske-mik qinnuteqarsimasuniit toqqaassapput.

Sapaatit akunnerit allortarlugit nakorsap DIH Sanami atorfillip utoqqaat illuani sygeplejerske peqatigalugu utoqqaat illuini stuegang-ertarput, utoqqaat najugaqartut, innarluutillit, puigortunngortut killiffii, peqqissusii, aavisa naqittiniisaffii, timip peqqissusaa, uuttorlugit oqilisimappatalu sukkortuuppata diætist imut, immikkoortortaarfik inuuneritta Sana-miitunut innersuunneqartarput.

Utoqqaat illuani - utoqqaat utaqqiisaasumik inissinneqarfiat (aflastning) -i, utoqqaat, inuusunnerit innarluutillit napparsimavimmi uninngareernermi kingorna pisinnaasai pillorissaasut, inissiisarfimmi sulisut suleqatigalugit misissorneqartarput, ullu unnuarlu paaqqutarineqarnissaminnik pisariaqartitsippata, utaqqiisaasumi inissiisarfianniit utoqqaat illuanut initaarnissaa sulissutigineqartarpoq (visitator) Kommuneani utoqqarnik allaffeqarfiani innersuusisartut aqutigalugit sullinneqartarput.

Qulaani (utoqqaat siunnersueqatigiit ataatsimiinnerini 28. November 2023) imaqarniliap immikkoortup 3 pkt.

1-mi oqaluuserisassatut siunnersuut innersuusutigissavara.

Nuummi Utoqqaat illuini sulisussaaleqineq annikillisassagutsigit, utoqqaat ataatsimiittitaliaani nutaamik eqqarsartariaaseqarluta 16. januar 2024-mi nal. 10.00

Nuuk Kommune ataatsimiittarfiani suliffeqarfiit immikkoortortaarfiaata (Udvalg & Arbejdsmarked)

Ataasimiigiaqqussutaa akueraara.

Suliarinnittoq Kiistat Holm